

# Istraživački centar Populari: Ambalaža je novac koji bacamo

**Dok u BiH ambalaža predstavlja otpad, u drugim zemaljama donosi milione eura, pokazuje posljednji izvještaj Istraživačkog centra Populari.**

27

1

Izvor: FENA



Foto: ilustracija

U sklopu projekta britanske ambasade u BiH pod nazivom "EU priče", Populari je nedavno objavio izvještaj pod naslovom "BiH - Vječito poseban slučaj" – bh. pristup upravljanju ambalažnim otpadom.

Prema podacima Agencije za statistiku BiH, svako od nas proizvede oko jedan kilogram otpada svaki dan i svaki stanovnik ove zemlje proizvede 27.557,5 kilograma otpada tokom svog života.

Ambalaža čini oko 30 posto svog našeg smeća. Svaki put kad odemo u prodavnicu, kupimo gotovo istu količinu otpada kao i proizvoda. Ako se ne reciklira, predstavlja ozbiljan ekološki problem, ali je i industrija vrijedna milijarde eura.

U Belgiji, zemlji po mnogo čemu sličnoj BiH, organizacija Fost Plus nalazi se na čelu sistema za upravljanje ambalažom i ambalažnim otpadom. Samo u 2011. godini je ostvarila prihod od 128 miliona eura. A pola te cifre potiče od prodaje materijala za reciklažu.

Ponovnom upotrebom i recikliranjem ostvaruju se ogromne uštede energije: 95 posto kod aluminija, 90 posto kod plastike, 60 posto kod papira i kartona, 33 posto kod stakla...

"Imamo li na umu da je energija vjerovatno najskuplji deficitarni strateški resurs, postaje nam jasna vrijednost otpada. Poređenja radi, Nijemci recikliraju oko 73 posto svog ambalažnog otpada, što je među najvišim stopama u Europi, a prema podacima Evropske agencije za okoliš, samo pet posto ukupne količine otpada u Bosni i Hercegovini se reciklira, dok se ostatak odlaže na deponije", navodi se u izvještaju.

U Evropskoj uniji otpad se sve više tretira kao mobilni proizvod sa određenom tržišnom vrijednošću, dakle roba.

U poređenju s ostatkom regiona, bh. podaci o ponovnoj upotrebi otpada izgledaju smiješno. Grad Zagreb reciklira 40 posto otpada, i namjerava povećati procenat na 70 posto u narednom periodu, jer se smatra da su trenutne cifre preniske. Beograd je nedavno uveo sistem odvojenog prikupljanja komunalnog otpada u sklopu Nacionalne strategije upravljanja otpadom, kojom se predviđa puno uvođenje evropskih standarda u recikliranju do 2019.

S druge strane, Sarajevo reciklira nešto malo više od 10% otpada koji proizvode njegovi stanovnici.

"Ključni problem u BiH su skromne ambicije. Način na koji su postavljene izuzetno niske reciklažne kvote, puno niže nego u

susjednim zemljama promovira neefikasnost i obesmišljava uspostavljanje sistema upravljanja ambalažnim otpadom po EU standardima. Ciljevi i kvote se stalno povećavaju, i trenutno iznose 55-60 posto, mada ih zemlje kao što su Njemačka i Danska znatno prebacuju", pokazuje izvještaj.

U BiH, međutim, ciljevi su znatno niži, trenutno osam posto, a planirano je da se povećaju na 35 posto do 2016.

Dok BiH dosegne 35 posto, druge zemlje će razviti nove tehnologije i dići kvote na maksimum. Uz jasno uočljiv nedostatak koordinacije između entiteta u implementaciji domaćeg zakonodavstva vezanog za ambalažni otpad, kao i asimetrija zakonskih rješenja u entitetima, BiH nema strateški pristup koji pravi novac.

"Bude li nastavila ovim tempom, uz zakonska rješenja koja su trenutno na snazi, BiH neće ići dalje", zaključuje se u izvještaju Istraživačkog centra Populari.

## KOMENTARI NA ČLANAK - UKUPNO: 17

**NAPOMENA:** Komentari odražavaju stavove njihovih autora, a ne nužno i stavove internet portala Klix.ba. Molimo korisnike da se suzdrže od vrijeđanja, psovanja i vulgarnog izražavanja. Portal Klix.ba zadržava pravo da obriše komentar bez najave i objašnjenja. Zbog velikog broja komentara Klix.ba nije dužan obrisati sve komentare koji krše pravila. Kao čitalac također prihvatate mogućnost da među komentarima mogu biti pronađeni sadržaji koji mogu biti u suprotnosti sa vašim vjerskim, moralnim i drugim načelima i uvjerenjima.



Da biste mogli komentarisati ovaj članak, potrebno je da budete registrovani član Klix.ba portala. Ukoliko ste već registrovani na našem forumu, možete koristiti iste pristupne podatke.

[PRIJAVA](#)   [REGISTRACIJA \(HTTP://WWW.KLIX.BA/REGISTRACIJA\)](http://www.klix.ba/registracija)   [FACEBOOK](#)  
[PRIJAVA](#)

## TOP KOMENTARI



Torpedista

15.09.2012. u 09:49

◀ 12   ◀ 1

Dusa me boli kada vidim na PET ambalazi ispisanu poruku "Povratna naknada 0,50 Lipa"! Pa zar je toliko tesko napraviti i ovdje u BiH mjesta na koja bi ljudi donosili PET ambalazu i za tu istu dobijali naknadu od nekih 15-20 pfeniga???

1. Sirotinja bi nesto zaradila!
2. Cistija zemlja, ne bi bila korita rijeka puna PET boca!
3. Prerada te ambalaze=jos novih radnih mjesta!

Evo ja vas pitam pa zar je to toliko tesko i nemoguće u ovoj BiH?



werde

15.09.2012. u 09:37

◀ 11   ◀ 1

BiH neće ići dalje,,pa mi stojimo u mjestu godinama,,nema sluha kod nas za bilo što,,

## SVI KOMENTARI

najnoviji



Jeronimoba

15.09.2012. u 11:36



He bo te SDA i sve ostale stranke koje postoje u nasoj zemlji, jer nijedna ne valja. Eto toliko. Ja pisem o uspostavljanju sistema, u kojem bi konacno i ljudi koji nisu vidjeli kamion za odvoz otpada dobili tu privilegiju, a to sto si ti opterecen politikom, okaci macku o rep.



ares.kane

15.09.2012. u 11:24



ma sta ba dobro nije za jedan dan...? 95 ne stao rat...mi osim par zgrada napravljenih u drzavi nemamo nista

vidi se da si ti neki SDA ljubitelj koji ovdje vrsi predizborne trikove!



Jeronimoba

15.09.2012. u 11:04



Ovo što sam napisao nije moje teoretisanje, nego dobro osmišljen sistem, koji pocinje da se razvije od ove godine na podrucje FBiH, malo koci RS, ali bice to na kraju isto. Zakoni usvojeni, sve fino definirano, i polako, nista se dobro nije napravilo za jedan dan... Ali problem je i nesvjest gradjana, koji su sve osim gradjani... Smeće kroz prozor, opuške kroz prozor auta, plane zemlja, nema veze..



...

15.09.2012. u 11:00



to je cigo kod nas davno skuzio i parama obrcu, ako iko poznaje selo orlanovca u blizini tuzle zna o cemu pričam, ljudi su puni ko brod



grof

15.09.2012. u 10:58



I oept neki centar za gubljenje vremena nađe nek iproblem ali niko ne da je rješenje.. Da se tako lako baviti reciklažom i otpadom pa bavio bi se svako, ljudi moj. Na Zapadu je i ovo biznis ali određen za samo pojedine, mafija drži sve pod nadzorom. A kod nas još niko nije skontao, ili ne zna ili neće

prikaži više komentara